

Empagliflozin

(Akatangi'anga "empa-gli-FLOW-zin") **Ko tetai ingoa koia Jardiance.**

Ko te Empagliflozin, mei roto mai te reira i tetai kopu vairākau tei kapiki'ia e ko te SGLT2 inhibitors.



Ko te vairakau teia ta te Taote i oake atu noou ei rapakau atu i toou maki Toto Vene Turanga 2, ma te paruru katoa atu i toou māpē (kidney) e pera katoa toou pukuatu. Ka 'akatopa mai te Empagliflozin i te vaito o tetai tu tuka, koia te glucose i roto i toou toto, e pera te teiaa o te toto (blood pressure) na roto i te tauturu atu'anga i toou māpē i te pamu'anga mai i te tuka, miti e te vai na roto i toou mimi ki vao i te kopapa.

Ko tetai au puapinga takake o te Empagliflozin, ko te akatopa atu i toou paunu, e ka riro katoa atu te reira i te tauturu i toou mape kia angaanga meitaki i te paruru atu ia koe kia kore koe e tu'ia e te maki akamate te kopapa, me kore ra pukuatu paruparu. Penei e na roto i teia, ka roa atu toou oraanga.

KIA MARAMA KATOAKOE: E ua takake katoa tetai, tei roto rai te Empagliflozin kairo atu ki tetai vairakau ke atu koia te metformin. Kua kapiki'ia te reira ua ko te **Jardiamet**.

Te kai'anga i te empagliflozin



Kai e tai empagliflozin i te ra. Akatinamou i te ora kai'anga no te au ra rava rai.



Ka meitaki ua te kai i te ua, ma te manga me kore ra, ma te kore e manga.



Auraka e inu kava ia koe e kai nei i teia ua, i te mea oki e ka akatupu te reira i tetai tūranga kinokino ki runga ia koe.



Me akamata koe i te kai i te empagliflozin, ka mimimimi putuputu koe, inara ka maru mai te reira me roa roa mai. Inu kia rava te vai, kia kore koe e mate vai. Me kua akakite ia atu kia koe kia vaito i taau inu vai, pukapuka atu ki toou Punanga Rapakau.



Me ngaropoina ia koe i te kai i toou ua, e kai rai koe me maara ia koe. Inara me maara mai ia koe i roto i te tuatau 12 ora, ki te tuātau o te kai'anga ka aru mai, vaoo takiri atu i te reira kaianga tei topa.



Me roa koe i te kai'anga i te empaglifloz ko te meitaki atu ia. Aravei atu i toou Punanga Rapakau i te au 3 marama rava rai, no te peapa e rauka atu ei toou ua.

Ia koe e kai ra i te empagliflozin



Akanoo'ia tetai parani, me maki ake koe

Me kinokino koe i muri ake i te kai'anga i te empagliflozin, tiaki kia maru mai koe i mua ake ka kai akaou ei koe. Uriuri atu ki toou Punanga Rapakau, kia kite tikai koe i te tuātau tau no te kai akaou i te empagliflozin.

Me akakoko ruaki koe, ruaki me kore ra akamamae te kopu, atoro atu i toou taote. I muri ake i te ora angaanga, atoro atu i te Are maki, kia vaito'ia te maata i tetai apinga tei kapiki'ia e ko te ketone i roto i toou toto.

Ka kinokino rai te tangata me teitei te vaito o te Ketone i roto i te toto kua kapiki'ia teia turanga e ko te ketoacidosis.



Akakite viviki atu ki toou Punanga Rapakau me tau koe i taau tu kai

Me akaiti mai koe i taau kaikai, me kore ra me akaiti mai koe i taau manga kinaki (akapapa'anga kaikai "keto") kua irinaki'ia e ka tu'ia koe e te maki "ketoacidosis".



Kua akapapa'ia te au manamanata takake no teia i runga i te kapi i muri mai

Ia koe e kai ra i te empagliflozin (kare i pou ake)



Kia mā ua rai toou mero tane/vaine

I te mea oki e ka mimimimi putuputu koe ma te maata i te tuka glucose i roto i toou mimi, ka mangio katoa a te pae i te mero me kare e tāmā'ia i te mea oki e ka akapaka teia glucose.

Paruru atu i teia na roto i te tāmā putuputu'anga i toou mero. E mea tau rai e kia tama te vaine i to ratou mete, e te au ngai i te pae mai i te reira, mei tetai rua taime i te ra. Kia pera katoa rai oki te tane i te tama'anga i to ratou ure, e te au ngai i te pae mai i te reira.



Akateateamamao'anga no te vā'i me kore tetai ua atu akarakara'anga matatio ki runga i toou kopapa

Me ka vā'i'ia koe, me kore ra ka anoano'ia kia akarakara ia a roto i toou ngakau mamaata, auraka e kai i te empagliflozine no tetai toru (3) ra i mua ake i te reira (e rua (2) ra i mua ake, e pera te ra o te vā'i me kore ra akarakara'anga).

Uriuri atu ki toou Punanga Rapakau no runga i te tuatau e tapu ei koe i te kai'anga i te empagliflozin, e te tuatau e akamata akaou ei koe i te kai akaou i te reira.



Nui, te tautā nei kia nui, me kore ra, te angai nei koe i te pepe ki te u mama?

Akakite atu ki toou Taote me kua nui koe, te tauta nei koe kia nui koe, me kore ra me te angai nei koe i taau pepe ki toou u. Ka anoano'ia kia tau'i'ia atu toou 'ua no te toto vene.



Me ka inangaro koe i te kite oonu atu no runga i te empagliflozin, atoro atu i te kupe roro uira healthnavigator.org.nz/empagliflozin

E au turanga tukau tapiri to te au vairākau katoatoa

Ka akatupu te Empagliflozin i tetai turanga tukau tapiri, inara kare ki runga i te au tangata katoatoa.

Te au turanga tukau tapiri

Kare teia e kino roa ana, aere rai e ngaro ua atu. Komakoma atu ki toou au taeake i roto i toou Punanga Rapakau me kare koe e meitaki ana, me kore kare teia au turanga e nagro atu anga:

- putuputu atu i te mimi
- mamae putaputa i te tuatau e mimi ra
- mangio, me kore ra akamaki te pakiri.

Te au turanga tukau tapiri, kare ra oki e putuputu ana

Atoro viviki atu i te Punanga Rapakau me kore ra ringi atu i te Numero **Healthline 0800611116**, me kite koe i teia au turanga tukau tapiri, akakite katoa atu e, te kai nei i te empagliflozin:

- Maki (ruaki)
- Mate vai (maro te karaponga)
- Roiroi ua, me kore ra, papukore o te manako
- Mamae te kopu
- Kakara te akaea
- Vivki e te pakari te akaea
- Veravera (Teitei te vaito)
- Akaē, mamae ma te akamuramura a te pae i te puta toe, e pera te mero (mete e te ure)
- Paruparu, ngarongaro te manako, e te anini te upoko
- Aumani
- Mamae te upoko
- Ruketekete
- Aveave te mata.